

# TOUAZIÈM PATI

## Lavi nan Kris-la

---

### PRÉMIÉ SÉKSION

## Vokasion moun-nan : lavi nan Éspri-a

---

#### TOUAZIÈM CHAPIT

## Bondié sové nou: laloua-a ak lagras-la

1949 Yo rélé moun-nan pou kontantman anplin-an, min péché-a blésé-l, li bézouin Bondié sové-l. Sékou Bondié-a rivé jouinn li nan Kris-la palintèmediè laloua-a k-ap dirijé-l épi nan lagras-la k-ap soutni-l:

« Sé pou nou travay avèk krint ak tranbléman pou nou sové ; sèké ni travay pou nou vlé fè kichoy-la ni travay pou nou fè-l vré-a, sé Bondié ki réalizé-l nan nou, poutèt byin li vlé-a » (Ph 2, 12-13).

---

#### ATIK 1

### *Laloua moral-la*

1950 Laloua moral-la sé travay Sajès Bondié-a. Nan sans bibli-la yo kapab  
53 défini-l tankou sé yon papa k-ap bay fòmasyon (k-ap instrui pitit-li), sé  
1719 pédagogi Bondié-a. Li indiké moun-nan davans chémin-yo, règ  
konpòtman-yo ki minnin nan kontantman anplin li promèt-la ; li intèdi  
chémin sa-k mal-la ki fè viré do bay Bondié épi viré do bay rinmin-l nan.  
An minm tan, li gin fèmté nan sa-l kòmandé-yo épi li mérité yo rinmin-l  
nan sa-l promèt-yo.

1951 Laloua-a sé règ konpòtman otorité ki gin konpétans-la promulgé poutèt  
byin komin-an. Laloua moral-la présipozé lòd rasionèl-la, sa puisans,  
sajès ak bonté Kréatè-al établi ant kréati-yo pou byin yo épi poutèt finalité

- 295 yo-a. Tout laloua jouinn premié ak dènié vérité-l nan Laloua étènèl-la.  
306 Laloua-a, kòm patisipasion nan providans Bondié vivan-an, Kréatè épi Rédanmtè tout moun-yo, sé rézon-an ki déklaré-l épi établi-l. « *Òdonans rézon-an*, yo rélé-l laloua » (Léon XIII, enc. "Libertas præstantissimum" ; k-ap sité Thomas d'A., s. th. 1-2, 90, 1) :
- 301 « Sé moun-nan sèlman ki jouinn gloua paské sé li sèl ki té dign pou-l résévoua Laloua-a nan min Bondié, épi poutèt li sé yon animal rasionèl ki gin kapasité intèlijans épi sians, avèk libèté rasionèl-la tou ladan-l, antan li soumèt bay sa-a ki té soumèt tout bagay-yo anba-l la » (Tertullien, Marc. 2, 4).
- 1952 Gin diféran ékspresion laloua moral-la, min yo tout youn antré nan lòt : Laloua étènèl-la, sous tout laloua-yo nan Bondié ; laloua natirèl-la ; Laloua yo révélé-a ki gin ladan-l ansyin Laloua-a ak nouvo Laloua-a sètadi sa-k dapré Évanjil-la ; anfin laloua sivil-yo épi laloua ékléziastik-yo.
- 1953 Sé nan Kris-la laloua moral-la rivé jouinn inité-l ak plénitud-li. Jézu-  
578 Kri li-minm sé chémin pèfeksion-an. Sé li-minm ki finalité Laloua-a, paské sé li-minm sèl ki anségné épi ki bay jistis Bondié-a : « Finisman laloua-a, réyéلمان, sé Kris pou jistis pou tou sa-k kouè » (Rm 10, 4).

## I. Laloua moral natirèl-la

- 1954 Moun-nan patisipé nan sajès ak bonté Kréatè-a ki ba li kontròl pròp  
307 aksion-l yo épi kapasité pou-l gouvènè pròp tèt-li dapré vérité-a ak byin-  
1776 an. Laloua natirèl-la ékspriyé sans moral orijinal-la ki pèmèt rézon moun-  
nan disèné sa-k byin ak sa-k mal, vérité ak manti :
- « Laloua natirèl-la [...] ékri épi gravé nan nanm chak moun, paské li sé rézon moun-nan k-ap ba-l lòd fè sa ki douat épi évité péché. Min préskripsion rézon moun-nan pa t-ap kapab gin fòs laloua si sé pa paské li sé voua épi intèprèt yon rézon ki pi ro, sa léspri-nou ak libèté-nou doué soumèt anba-l » (Léon XIII, enc. "Libertas præstantissimum").
- 1955 Laloua « Bondié-a épi natirèl »-la (GS 89, § 1) montré moun-nan  
1787 chémin pou-l suiv pou-l pratiké sa-k byin-an épi rivé jouinn sa-k finalité-l la. Laloua natirèl-la ékspriyé kòmandman ki premié épi ésansièl pou dirijé lavi moral-la. Fondman-l sé anvi jouinn Bondié-a épi soumèt ba li-a,  
396 li-minm ki sous épi jij tout sa-k byin, épitou konprann lòt-la égal ak mouin-minm. Kanta kòmandman prinsipal li-yo sé nan Dékalòg-la yo ékspriyé. Yo pa di laloua sa-a natirèl parapò a réyalité ki pa gin rézon-yo,  
2070 min poutèt rézon-an ki promulgé-l la fè pati nati moun-nan osans pròp :
- « Ki koté donk yo ékri [règ sa-yo], si sé pa nan liv limiè Sa-a yo rélé vérité-a? Sé la yo ékri tout laloua ki dapré jistis épi li transpòté nan kè moun k-ap fè sa-k kòrèk-la pa tankou li émigré min tankou li inprimé, minm jan imaj-la

apati bag-la pasé nan lasi-a antan li pa kité bag-la ? » (S. Augustin, Trin. 14, 15, 21).

Laloua natirèl-la « pa anyin dèt pasé limiè intèlijans-la Bondié mété nan nou-an, palintèmediè-l nou konnin kisa pou-n fè épi kisa pou-n évité. Limiè sa-a ak laloua sa-a Bondié bay moun-nan li dépi nan kréasion-an » (S. Thomas d'A., dec. præc. 1).

1956 Antan laloua natirèl-la prézan nan kè chak moun épi sé rézon-an ki  
2261 établi-l, li *inivèsèl* nan kòmandman-l yo épi otorité-l rivé sou tout moun-  
yo. Li éksprimé dignité moun-nan, épi li détèminé doua ak dévoua  
fondamantal li-yo :

« Rézon douat-la sé yon laloua tout bon vré, ki an konfòmité ak nati-a, ki gayé nan tout moun, ki toujou la, ki étènèl, antan-l bay lòd, li rélé vîn fè dévoua-a; antan li intèdi, li détounin sot nan ruz-la. [...] Sa pa doué fèt pou yo ranplasé-l ak yon laloua ki kontrè (*obrogari*), ni yo pa gin doua réfizé apliké kichòy ladan-l (*derogari*), épi yo pa kapab éliminé-l totalman (*abrogari*) » (Cicéron, rép. 3, 22, 33).

1957 Aplikasion laloua natirèl-la kapab diféran anpil ; li kapab mandé yon  
réfléksion ki adapté ak pakèt kondision lavi-a, dapré koté-yo, épòk-yo épi  
sikonstans-yo. Poutan laloua natirèl-la, nan divès kilti-yo, rété kòm règ  
pèmanan ki kinbé moun-yo ansanm antré yo épi ki mété prinsip komin  
sou yo, andéyò diférans ki inévitable-yo.

1958 Laloua natirèl-la *pa kapab chanjé* (immuable) (cf. GS 10) épi, nan  
2072 mitan chanjman istoua-a, li kontinué rété la ; li kinbé la anba alé-vini idé-  
yo ak koutim-yo épi li soutni progrè yo. Règ-yo ki éksprimé-l yo kontinué  
valab ésansièlman. Minm si yo t-a rénié prinsip li-yo, yo pa kapab détrui-l  
ni rétiré-l nan kè moun-nan. Li toujou ap réparèt nan lavi individi-yo ak  
sosiété-a.

« Sètènman laloua-ou la pini vòl-la, Granmèt, laloua ki ékri nan kè moun-yo,  
sa minm méchansté-a (iniquité) pa kapab détrui-a » (S. Augustin, conf.2, 4,  
9).

1959 Laloua natirèl-la sé yon bagay ki bon nèt Kréatè-a fè, li bay fondman  
1879 solid koté moun-nan kapab konstrui kay règléman moral-yo sou li, sa-k  
dirijé choua l-ap fè-yo. Li mété fondasion moral ki tèlman nésésè pou bati  
kominoté moun-yo. Anfin li ofri fondasion ki nésésè pou laloua sivil-la,  
sa-l sé référans pou li-a, soua pou réfléksion-an ki rivé jouinn konklizyon-l  
yo apati prinsip sa-yo, soua palintèmediè sa yo ajouté ki pozitif épi jiridik  
dapré natu-yo.

1960 Sa laloua naturèl-la kòmandé-a, sé pa tout moun ki kapté yo klè épi  
2071 tousuit. Nan kondision kounié-a, pou moun-nan ki péchè, lagras-la ak  
Révélation-an nésésè, yon fason pou vérité rélijion-an ak moral-la « tout  
moun kapab konnin yo, san difikilté, ak asirans ki solid épi san mélanj  
ère » (Pie XII, enc. "Humani generis" : DS 3876). Laloua natirèl-la bay

Laloua révéle-a ak lagras-la yon fondman Bondié té préparé épi ki konfòm ak travay Éspri-a.

## II. Ansyin laloua-a

1961 Bondié, Kréatè nou-an ak Rédanmtè nou-an, té chouazi Israèl kòm pèp  
62 pa-l épi li té révéle-l Laloua li-a, antan konsa l-ap préparé Avènman Kris-  
la. Laloua Moyiz-la té ékspriyé pliziè vèrité rézon-an kapab jouinn  
natirèlman. Yo vîn déklaré épi yo konfirmé yon fason otantik anndan  
Alians k-ap sové moun-nan.

1962 Ansyin Laloua-a sé prémié éta Laloua yo révéle-a. Sa-l bay lòd fè-yo  
sou plan moral-la yo rézimé nan dis kòmandman-yo. Kòmandman  
Dékalòg-la mété fondasion pou vokasion moun-nan ki fòmé dapré pòtré  
Bondié-a ; yo intèdi sa-k kontrè ak rinmin pou Bondié-a ak pou prochin-  
an, yo bay lòd fè sa-k ésansiel pou li. Dékalòg-la sé yon limiè yo ofri  
konsians moun-nan pou montré-l apèl Bondié-a épi chémin-l yo, pou  
protéjé-l kont sa-k mal-la :

Bondié « ékri sou tab [ròch-yo] sa moun-yo pa-t li nan kè yo-a » (S.  
Augustin, Psal. 57, 1).

1963 Dapré tradision krétyin-an, Laloua-a sin (cf. Rm 7, 12), li spirituèl (cf.  
1610 Rm 7, 14) épi li bon (cf. Rm 7, 16) min li pa fîn apouin. Tankou yon  
profèsè (cf. Ga 3, 24) li montré sa-k gin pou fèt-la, min li pa bay, dapré li-  
minm, fòs pou akonpli-l la, lagras Éspri-a. Poutèt péché-a li pa kapab  
2542 rétiré-a, li kontinué yon laloua ésklavaj. Dapré sin Pòl, li sitou gin  
fonksion pou-l dénonse épi *manifesté péché-a* ki fòmé yon « laloua mové  
anvi » (Rm 7, 20) nan kè moun-nan. Poutan laloua-a rété kòm prémié pa  
2515 nan chémin Rouayòm-nan. Li préparé épi li dispozé pèp yo té chouazi-a  
épi chak krétyin pou konvèsion-an épi pou lafoua nan Bondié Sovè-a. Li  
bay yon ansègnman ki rété pou tout tan kòm paròl Bondié.

1964 Ansyin laloua-a sé yon *préparasion pou Évanjil-la*. « Laloua-a sé  
122 aprantisaj épi profési li té yé pou sa-k té gin pou vini-yo » (S. Irénée, hær.  
4, 15, 1). Li profétizé épi li déjà anonsé travay libérasion anba péché-a ki  
pral réalizé avèk Kris-la, li bay Nouvo Téstaman-an pòtré-yo, « tip »-yo  
(modèl), simbòl-yo pou ékspriyé lavi dapré Éspri-a. Anfin, Laloua-a  
konplété ak ansègnman liv sajès-yo épi Profèt-yo ki dirijé-l nan Nouvo  
Alians-la épi nan Rouayòm sièl-yo :

1828 « Té gin [...] kèk moun nan etap Ansyin Téstaman-an ki té gin charité-a ak  
lagras Éspri-Sin-an, yo minm ki t-ap tann sitou promès spirituèl-yo épi ki  
pou tout tan-yo. Épi dapré sa, yo té fè pati nouvo Laloua-a. Minm jan-an tou,  
nan Nouvo Téstaman-an gin kèk moun ki nan lachè ki poko rivé nan  
pèfeksion nouvo Laloua-a, yo minm yo doué kondui pou yo maché nan  
travay vèrtu-a palintèmediè krint chatiman-yo, épi palintèmediè kèk promès  
tanporèl minm nan Nouvo Téstaman-an. Min ansyin Laloua-a, minmsi li t-a

bay kòmandman charité-a, poutan palintèmediè-l yo pa-t bay Éspri-Sin-an, li-minm sé gras a li “yo vidé charité-a nan kè nou-yo”, jan yo di nan Rm 5, 5 » (S. Thomas d’A., s. th. 1-2, 107, 1, ad 2).

### III. Nouvo Laloua-a sètadi Laloua Évanjil-la

- 1965  
459  
581  
715
- Nouvo Laloua-a oubyin Laloua Évanjil-la sou tè-a sé pèfeksion Laloua Bondié-a, sa-k natirèl-la ak sa yo révéle-a. Sé travay Kris-la épi yo éksprimé-l sitou nan prèch sou mòn-nan. Li sé travay Éspri-Sin-an tou épi, palintèmediè-l, li vîn tounin laloua charité-a anndan nou : « M-ap réalizé yon alians tou nèf sou kay Israèl-la ak sou kay Juda-a [...] m-ap mété loua-m yo nan éspri yo, m-ap ékri yo nan kè yo, m-ap Bondié yo, yo minm y-ap pèp mouin » (He 8, 8-10 ; cf. Jr 31, 31-34).
- 1966  
1999
- Nouvo Laloua-a sé *lagras Éspri-Sin-an* yo bay fidèl-yo palintèmediè lafoua nan Kris-la. Li travay palintèmediè charité-a, épi li sèvi ak paròl Granmèt-la pou-l aprann nou sa nou doué fè, épitou ak sakrèman-yo pou-l kominiké nou lagras pou-n rivé fè-l :
- « Prèch Granmèt nou-an Jézu-Kri té palé sou mòn-nan, tankou nou li-l dapré évanjil Matié-a, si yon moun konsidéré-l ak piété épi nan profondè, mouin pansé l-ap jouinn nan li, pou sa ki konsèné pi bon konduit-yo, modalité pèfeksion lavi krétyin-an [...]. Mouin té di sa pou sa parèt kijan prèch sa-a apouin nèt ak tout sa yo bay lòd k-ap fè lavi krétyin-an gin vrè fòm-li » (S. Augustin, serm. Dom. 1, 1 : PL 34, 1229-1231).
- 1967  
577
- Laloua Évanjil-la « *akonpli* » (cf. Mt 5, 17-19) ansyin Laloua-a, li rafiné-l, li dépasé-l, li pèfeksioné-l. Nan béatitud-yo, li *akonpli promès* Bondié-yo antan li soulvé yo épi li orienté yo jous nan « Rouayòm sièl-yo ». Li adrésé bay moun ki dispozé résévoua nouvo éspérans sa-a ak lafoua : pòv-yo, sa-k toupiti-yo, sa k-ap souffri-yo, sa-k gin kè pròp-yo, sa k-ap sibi pèsékision poutèt Kris-la, sé konsa li trasé chémin yo pa t-a pansé pou Rouayòm-nan.
- 1968  
129  
582
- Laloua Évanjil-la *akonpli kòmandman* Laloua-yo. Prèch Granmèt-la pa détrui préskripsion moral ansyin Laloua-a ni li pa diminué valè yo, min li démontré fòs (vèrtu) kaché yo ginyin épi li fè nouvo égzijans soti nan yo : li révéle tout vérité yo pou Bondié épi pou moun-nan. Li pa ajouté nouvo kòmandman sou déyò, min li rivé jous nan transfòmasyon rasîn aksion-yo, kè-a, koté moun-nan chouazi ant sa ki pròp ak sa ki pa pròp (cf. Mt 15, 18-19), koté lafoua-a, éspérans-la ak charité-a fòmé épi, avèk yo, tout lòt vèrtu-yo. Konsa Évanjil-la minnin Laloua-a nan plénitud-li gras a imitasion pèfeksion Papa-a ki nan sièl-la (cf. Mt 5, 48), gras a padon pou ènmi-yo épi priyé pou sa k-ap pèsékité yo, dapré modèl lajè bon kè Bondié-a (cf. Mt 5, 44).

- 1969  
1434      Nouvo Laloua-a *pratiké akt rélijion-yo* : fè lacharité-a, priyè-a, fè jèn-nan, li orienté yo nan diréksion « Papa-a [...] ki ouè nan sa-k kaché-a », kontrèman ak moun ki anvi « pou moun ouè yo »-a (cf. Mt 6, 1-6 ; 16-18). Priyè-l la sé « Papa nou »-an (Mt 6, 9-13).
- 1970  
1696, 1789      Laloua Évanjil-la inpliké yon choua désizif ant « dé chémin » (cf. Mt 7, 13-14) épi réalisé paròl Granmèt-la (cf. Mt 7, 21-27) ; li rézime nan « règle d'or »-la : « Konsa, tou sa nou vlé pou moun-yo fè pou nou, sé pou nou fè-l pou yo tou : sa-a réyèlman sé laloua-a ak Profèt-yo » (Mt 7, 12 ; cf. Lc 6, 31).
- 1823      *Nouvo kòmandman* Jézu bay-la gin tout Laloua Évanjil-la ladan-l (Jn 13, 34), pou nou rinmin youn lòt minm jan li-minm li té rinmin nou-an (cf. Jn 15, 12).
- 1971  
1789      Yo doué ajouté sou Prèch Granmèt-la *katéchèz moral ansègnman Apot-yo*, tankou Rm 12-15 ; 1 Co 12-13 ; Col 3-4 ; Ep 4-5 ; etc. Fòmasyon sa-a transmèt ansègnman Granmèt-la ak otorité Apot-yo, sitou nan ékspozé vèrtu-yo ki soti nan lafoua nan Kris-la antan charité-a ap ba yo lavi-a, li-minm ki prinsipal kado Éspri-Sin-an : « Rinmin-an pa nan fè sanblan. [...] sé pou nou youn rinmin lòt ak charité tankou frè [...] sé pou nou kontan nan éspérans-la, sé pou nou gin pasians nan tribilasyon-an, sé pou nou pèsévéré nan priyè-a, sé pou nou patisipé nan bézouin sin-yo, sé pou nou résevoua étranjé » (Rm 12, 9-12). Katéchèz sa-a aprann nou tou pou nou trété problèm konsians-la (cas de conscience) anba limiè rélasyon-nou ak Kris-la épi ak l'Égliz-la (cf. Rm 14 ; 1 Co 5-10).
- 1972  
782  
1828      Nouvo Laloua-a, yo rélé-l *laloua rinmin-an*, paské li pousé nou aji ak rinmin Éspri-Sin-an vidé-a, plis pasé ak krint-la ; *laloua lagras-la*, paské palintèmediè lafoua-a ak sakrèman-yo li bay fòs pou aji ; *laloua libèté-a* (cf. Jc 1, 25 ; 2, 12), paské li libéré nou anba obsèvans rituèl épi jiridik ansyin Laloua-a, li fè nou gin panchan pou nou aji spontanéman antan charité-a ap pousé nou, épi anfin li fè nou travèsé sot nan kondision ésklav-la ki « pa konnin sa mèt-li ap fè », nan kondision zanmi Kris-la « paské tou sa-m tandé kot Papa-m, mouin fè nou konnin yo » (Jn 15, 15), oubyin tou nan kondision pitit ki éritié-a (cf. Ga 4, 1-7. 21-31 ; Rm 8, 15), **[frè Jézu (Jn 20,17)]**.
- 1973  
2053  
915      An plis sa-l bay lòd fè-yo, nouvo Laloua-a inpliké *konsèy évanjélik-yo* tou. Daprè Tradision-an yo établi distinktion ant kòmandman Bondié-yo épi konsèy évanjélik-yo parapò a charité-a, ki pèfeksion lavi krétyin-an. Kòmandman-yo fèt pou évité sa ki pa kapab konpatib ak charité-a. Konsèy-yo minm gin kòm objéktif pou évité sa ki, minmsi yo pa kontrè ak charité-a, yo kapab yon anpèchman pou progrè nan charité-a (cf. S. Thomas d'A., s. th. 2-2, 184, 3).
- 1974      Konsèy évanjélik-yo manifésté lavi anplin charité-a ki pa janm kontanté tout tan li pa bay pi plis. Yo témouagné élan charité-a épi yo

2013 provoké anprésman spirituèl-nou. Pèfeksion nouvo Laloua-a ésansièlman sé kòmandman rinmin pou Bondié épi pou prochin-an. Konsèy-yo indiké chémin ki pi dirèk-yo, mouayin ki pi fasil-yo, épi yo doué pratiké yo dapré vokasion chak moun :

« [Bondié] pa vlé pou chak moun obsèvé tout konsèy-yo, min sèlman sa ki konvnan-yo dapré diféran moun-yo, tan-yo, okazion-yo épi fòs-yo, jan charité-a mandé sa ; paské sé charité-a ki tankou rèn tout vèrtu-yo, tout kòmandman-yo, tout konsèy-yo, épi anfin tout laloua-yo épi tout aksion krétyin-yo, ki bay tout moun plas yo, ran yo, tan yo épi valè yo » (S. François de Sales, amour 8, 6).

### RÉZIMÉ

- 1975 *Dapré Sint-Ékritu-yo, Laloua-a sé tankou yon papa k-ap bay fòmasyon (k-ap instrui pitit-li), ki indiké moun-nan davans chémin-yo ki minn nan kontantman anplin li promèt-la épi ki intèdi chémin sa-k mal-la.*
- 1976 *Laloua-a sé « yon orientasion rézon-an nan diréksion byin komin-an, sé moun k-ap pran souin kominoté-a ki promulgé-l » (S. Thomas d'A., s. th. 1-2, 90, 4).*
- 1977 *Kris-la sé aboutisman Laloua-a (cf. Rm 10, 4). Sé li-minm sèl ki anségné épi ki bay jistis Bondié-a.*
- 1978 *Laloua natirèl-la sé yon patisipasyon nan sajès ak bonté Bondié-a pou moun-nan ki fòmé dapré pòtré Kréatè-a. Li éksprimé dignité moun-nan kòm moun épi li sé fondasyon pou doua ak dévoua fondamantal li-yo.*
- 1979 *Laloua natirèl-la pa kapab chanjé (immuable), li rété pèmanan nan déroulman istoua-a. Règ-yo ki éksprimé-l yo kontinué valab ésansièlman. Li sé fondman ki nésésè pou konstrui règ moral-yo épi pou laloua sivil-la.*
- 1980 *Ansyin Laloua-a sé premié éta Laloua yo révéle-a. Sa-l bay lòd fè-yo, sou plan moral-la, yo rézimé nan dis kòmandman-yo.*
- 1981 *Laloua Moyiz-la gin ladan-l pliziè vérité rézon-an kapab jouinn natirèlman. Bondié révéle yo paské moun-yo pa-t li yo nan kè yo.*
- 1982 *Ansyin Laloua-a sé yon préparasyon pou Évanjil-la.*
- 1983 *Nouvo Laloua-a sé lagras Éspri-Sin-an yo résévoua palintèmediè lafoua nan Kris-la, l-ap travay palintèmediè charité-a. Li éksprimé sitou nan prèch Granmèt-la sou mòn-nan épi li sèvi ak sakrèman-yo pou-l kominiké nou lagras-la.*

- 1984 *Laloua Évanjil-la akonpli ansyin Laloua-a, li dépasé-l, li kondui-l nan pèfèksion-l : kanta promès li-yo, palintèmediè béatitud Rouayòm-nan; kanta kòmandman-l yo, antan-l transfòmé rasîn aksion-yo, sètadi kè-a.*
- 1985 *Nouvo Laloua-a sé yon laloua rinmin, yon laloua lagras, yon laloua libèté.*
- 1986 *An plis sa-l bay lòd fè-yo, nouvo Laloua-a gin konsèy évanjélik-yo ladan-l. « Sin l'Égliz-la sin-an vîn ankourajé tou yon fason spésial ak pakèt konsèy-yo, sa Granmèt-la propozé disip li-yo pou yo obsèvé yo nan Évanjil-la » (LG 42).*

[◀Atik  
anvan-an](#)

[Gid jénéral-la](#)

[Atik▶  
apré-a](#)